

桃谿雪上

倚生樓傳奇

松

新

雪

江苏工业学院图书馆
藏书章

桃谿雪自敘

予友吳康甫貳尹至誠君子也嗜善好古久而不衰嘗與
邑人士稽考名勝及前賢遺蹟之所在凡忠孝義烈之未
經表著者必闡揚其隱以爲世風廉俸所入恒以是罄初
未嘗介於懷且甚以爲樂焉道光丙午春予遇諸湖上詢
其近概曰貧而已語甚畧而語烈婦吳絳雪事甚詳且囑
予製曲以傳之閱兩月康甫以檄委至吾鹽復手錄絳雪
始末以示予嗣後凡三至鹽至必及絳雪事絳雪者永康
才媛也耿藩之亂僞總兵徐尙朝犯浙道永康邑之人以

絳雪有美名謀以之餌敵且抒難焉絳雪知不免而迫於
衆不得死遂慷慨行既結敵出境而投崖以殉康甫丞永
康爲梓其遺集綠華草及六宜樓詩若干卷并廉得死烈
事懼其久而泯焉故亟爲予言予旣感康甫之誠而塵勞
役役難於構思殘冬短晷朔風號林子適病癰偃臥一室
支離委頓衆緣不交由定生靜由靜生感意常鬱勃若怍
怍有所動而康甫復寓書相敦促遂縱筆爲之日成一闕
不一月而稿成時方嚴寒冰雪之氣流注紙墨蒼澁哀亮
亦不知涕之何從也名之曰桃谿雪桃谿其地雪其名也

雪喻其潔桃則傷其薄命也而予竊有異者絳雪去今百餘年予與康甫亦別且八載矣胡然有西湖之遇胡然而康甫一歲四至鹽又胡然而予忽癰之病焉回憶百餘年來何時何地何人不可以傳絳雪而必於一歲之中回旋曲折以迫成吾桃谿雪之一書也其康甫至誠之所動與抑山川正氣久鬱必彰而烈女之靈實有以左右之與是皆不可知矣嗟嗟從容盡節士大夫所難也而顧得之弱女子乎闡發奇偉以維持氣運縉紳先生之事也而顧得之一丞乎然則予之文不足傳而絳雪赴難之烈與康甫

嗜善好古之誠則固足以傳吾文矣道光丁未季春韻甫
黃燮清序於拙宜園之倚晴樓

吳絳雪傳

嘉善黃安濤撰

國朝康熙十三年甲寅正月耿精忠叛於閩其僞總兵徐
尙朝等寇陷浙東處州窺金華道永康有奇女子吳絳雪
殉節死焉絳雪名宗愛永康人父士騏以明經任仙居嘉
善嵯三縣校官絳雪幼隨侍承其家學善書畫琴棋音律
尤工於詩時人稱桃谿女史云其畫爲合肥龔尙書所珍
賞詩則長洲沈文愨公稱其有林下風著有六宜樓藁及
綠華草嘗取劉令嫺詩意作迴文同心梔子鏡箔圖并駢
體啟贈其閨友秀水吳素聞女士迴合藻麗見者但驚其

妍巧卒難尋端緒。啟中引蘇家錦字侯氏龜文以自例。有過之無不及也。歸邑諸生徐明英未幾而寡。無子。以娣男爲嗣。意守之終身焉。絳雪旣以多藝聞。而姿質穠粹。人皆詫爲國色。藉藉衆口。及尙朝之窺金華也。道永康。豔絳雪名。欲致之。永康故無城池可守。衆慮蹂躪。邑父老與其夫族謀。以絳雪紆難。謀僉同。頗祕。事急則強之行。絳雪微聞之。則慨然曰。未亡人更安所惜乎。所惜者一邑生靈耳。苟有濟。妾自獲死所耳。庸何傷。衆聞皆悅。謂信有恃矣。時總督李公之芳督官兵駐婺。援剿甚力。絳雪策賊必敗。則謂

宜許以羈縻之而故稽以詭辭者久之及無可滯則衆以之行絳雪夷然就道至三十里坑以渴飲給賊取水遽於馬上翻倒觸塊死是年六月也既尙朝出永康屯積道山金華所屬東陽義烏浦江皆苦蹂躪而永康之被患也較緩以輕孰謂一弱女子陽餌以名而陰爲之障也噫斯亦奇矣

舊史氏曰女以貞爲尙而節與烈因之雖然無才無識則其節烈也不奇使絳雪聞衆所謀而猝死所謂自經溝瀆而已何足爲絳雪奇所奇者非徒爲一身殉直爲一邑之

民殉耳。觀其始而慨然，繼而夷然，非裕於才而達於識者，不及此絳雪之死。距今一百七十餘年，徒以傳聞異辭，或以爲賊行故從而疑，且諱焉。迄無有表彰之者。今長興吳縣丞廷康嘗任永康，諮訪遺佚，得絳雪死節事，特詳并求其遺稿付之梓，來告余曰：絳雪自謂獲死所三十里坑，其死所也，非賊巢也，明矣。尙何疑？且諱之有先時而死，亦無益也。後時而死，亦無及也。絳雪之死，非但得其所也，又得其時也。故絳雪死而賊隨而亡。如吳縣丞言，則節與烈固不足以貞絳雪也。故特書奇女子云。

絳雪水滌
吳廷康題于麗川
危坐



穠華久謝蛾月存子
亮波飛鳧纂幽芬子
蒞摧以芳和碎烈兮
省識春風長寐極兮

楊璿華贊



桃谿雪目錄

卷上

閨敘

防釁

延素

聞變

送外

約降

題箏

遣援

別素

旅病

卷下

慟訃

寇逼

木
金

紉開

迫和

墜崖

收骨

玩圖

霧捷

弔烈

仙証

桃谿雪卷上

武林李光溥儉才評文

海鹽黃燮清韻珊填詞

原各憲清

錢塘瞿傳鼎頤齋正譜

仁和余

所明齋

蝶戀花。桃花谿上東風冷。雪點飛來。不管花枝病。雪太無情。花短命。雪花鍊出冰花影。雪夢花魂誰喚醒。雪自欺花。花自媚。娟靜淚比花紅。人雪淨。美人小字原相稱。

閨敘 第一齣

臺角設杏花一樹且上

冉冉而來
疎窗照影

雙調 海棠春 桃谿流水明如練。閑照取愁蛾清淺。細語祝春風。莫慢吹花片。

〔坐介〕本詩東風送煖入春衣。茗椀爐香伴掩扉。曉理瑤琴絃尚澁。醉臨楸帖格差肥。奴家吳宗愛。小字絳雪。浙江永康人也。先父驥良公。下筆千言。藏書萬卷。未登科第。但舉明經。小用文章。更番秉鐸。厯任仙居嘉善嵒縣校官。奴家隨侍官齋。幼承庭訓。倚琴書爲性命。兼詩畫之生涯。口傳伏氏殘經。妝臺解誦。手按中郎遺曲。翠袖工調。所嗟莪蓼傷心。小草止名獨活。差幸芙蓉連理。好

花自結同心。官人徐明英。年少多才。蜚聲庠序。與奴家
琴瑟靜好。黻佩偕綏。紙閣蘆簾。竊比孟光之韻。寶釵羅
帳。豔增徐淑之姿。塵海因緣。如斯已足。這都不在話下。
今日春光晴媚。官人所種杏花一樹。開得十分茂盛。已
命小婢慶雲。畧備酒餚。與官人一同賞玩。話猶未了。你
看官人早出來也。生上。爲尋花夢先鶯起。試捲簾雲放
燕飛。小生徐明英。表字孟華。少負清才。未舒壯志。貧餘
傲骨。富有閒愁。所喜荆妻吳氏。貌比王嬙。才逾蘇蕙。倡
隨相得。形影交憐。真乃閨房樂事。笑介。莫說神仙是鄉。